

乙
八

麗
體
金
膏

乙八

是是是是

御識墨刻一卷

謝

國朝阮元

賜御筆筆誤識過墨刻一卷

謝

國朝阮元

賜御筆兵部奏凱兵丁各歸營伍及福康安奏西藏
善後事宜詩墨刻共二卷

麗體金膏卷八

拜賜集

補遺

南郊頌

梁蕭綱

職貢圖序

梁蕭繹

高祖武皇帝謚議

蕭繹

梁簡文帝法寶聯璧序

蕭繹

皇太子臨辟雍頌

梁徐陵

爲百寮賀雪表

唐李嶠

賀老人星見表

唐李商隱



姚州道破賊露布

唐駱賓王

進千秋節金鏡錄表

唐張九齡

辭學指南

宋王應麟

宋四六摘句

賜紗扇筆墨等件謝摺

國朝朱珪

賜筆墨等件謝摺

國朝朱珪

賜玉如意貂皮褂謝摺

國朝朱珪

謝

國朝阮元

賜御筆熱河考並

南郊頌

并序

梁
蕭綱

臣聞惟天爲大聖人敬其德知幾其神聖人契其道
故龍宮弱言之后合揆於蒼昊鳥紀垂衣之君昭格
於上帝莫不巍巍乎穆穆乎渙汗於綠篇氛氤於丹
冊者矣我梁皇帝之御天下也乘燁祗之盛曜卽璧
日之遐照等乾覆之燾養合坤載之靈長四三六五
之意十堯九舜之明名與功偕業將時並自撥亂反
正伐罪弔民馮玉几握金鏡君臨萬國於今二十有
二載也緯天維理地軸移澆風於末俗反淳正於區

中化不言而先顯教不嚴而已肅流落復雅遠符雲
韶之世隆禮還章非因忠信之薄九垓同軌四海無
波儲明變照儀天作雨三衮咸作叶化台光麴蘖王
風鹽梅帝載塵清世晏蒼兕無用其武功運謚時平
鵷鷺咸脩其文德桃林散甲華山優刃玉門罷候紫
塞沉鋒屠羊釣壑之士厭洗耳而襲簪佩版築藏巖
之逸去爍穀而紆珩組異人俊乂旣間出而在官世
鏡河仙亦雍容而廊廟蹇蹇同於多士諤諤比乎得
人五典三墨旣葳蕤於壁水九流八索亦繽紛於石

渠畫一之政萬邦表於時和三章之律百姓沐於仁
壽於是龍光之地日浴之鄉紫舌黃支頭飛鼻飲自
西自南無思不服欵關質子稱臣內向珠樹素禽越
火枝之地銀甕邛杖踰沉羽之溪出赤野而連翩度
玄沙之決滂於是嘉祥被衆瑞登金人澤馬丹甌玉
雞三角九尾四眉六足抽鋪地之九莖發端門之連
理參差於郊藪布濩於宮闕府無虛月史弗能記周
稱黃鳥之旗夏有玄珪之錫無以踰此嘉祥方茲總
萃道洽世昌國殷民阜鄉知舜讓邑比堯封委粟栖

。 𣎵。 神。 絲。 被。 澤。 可。 謂。 我。 化。 若。 風。 民。 應。 如。 草。 我。 靜。 如。 鏡。 物。
動。 猶。 煙。 天。 子。 猶。 未。 明。 求。 衣。 日。 昃。 不。 勸。 撤。 膳。 匪。 躬。 詢。 輿。
訪。 道。 鑾。 旗。 徐。 動。 棄。 千。 里。 而。 弗。 乘。 寶。 瑟。 無。 虞。 捐。 百。 金。 而。
不。 服。 廣。 行。 四。 等。 被。 慈。 雨。 於。 枯。 根。 大。 闡。 三。 朝。 驚。 法。 雷。 於。
羣。 夢。 曲。 成。 萬。 物。 去。 殺。 愛。 生。 幽。 弊。 之。 民。 與。 蒼。 雷。 而。 共。 悅。
否。 滯。 之。 義。 同。 咎。 風。 而。 開。 杼。 昆。 蟲。 得。 性。 跂。 蠹。 欣。 生。 三。 驅。
有。 緩。 前。 之。 禽。 九。 門。 無。 餒。 獸。 之。 藥。 至。 德。 之。 事。 如。 此。 太。 平。
之。 風。 如。 彼。 乃。 以。 恭。 肅。 神。 祇。 理。 通。 孝。 敬。 江。 左。 以。 來。 爽。 塏。
未。 闢。 爰。 命。 將。 作。 揆。 日。 載。 營。 三。 靈。 叶。 響。 百。 工。 咸。 事。 宛。 如。

神造儼類仙居。冲秘隱嶢跨千畝。於晉日閑曠麗遠。
吞七里於漢年五達。四通廓郊彌野。南瞻重嶽北眺。
芒嶺東臨。灞漭西望。舊豐紆餘委蛇。邛陵起伏澎湃。
嵒光山川異態。飛梁邃宇洞燭。穴懸紫殿仙宮。霞騫
鳥翬。霧映倒梁。日光疎飯玉桃。卷葉銀樹。抽芳百果。
千株三珠八桂。朝葉與蜜露共鮮。晚花與薰風俱落。
露禽乍聚望比翼之翱翔。歸飛時宿關同心之夜響。
故以熊熊灼灼炫兩明而仰七曜。紛紛沐沐承五煙。
而帶三靈圓丘閑靜。紫壇肅設五精之場。千神之位。

八堦宏麗四維博敞宛若千仞狀懸流之仙館煥如
五彩同瑤山之帝壇石牒神昌之瑞方臻金縷飛光
之徵永固是雕是琢鄙茅茨之爲倫非珠非玉嗤甘
泉之已奢望昔方今獨高千古沿襲異等質文斯中
於是歲在單閼星次訾陬律中太簇日惟辛卯特有
事於南郊甸師清野封人墮宮朱幕夕峙帷宮宿設
曉漢斜陰挈壺升漏天子御玉輅動金根八驥揚衡
雙龍翼蓋雲罕徐迴鳴鐃韻響風承豹尾日映鸛冠
萬騎天行千乘雷動石鎧犀衣之士連七萃而雲屯

珠。旗。日。羽。之。兵。亘。五。營。而。星。列。鬱。鬱。阡。阡。震。震。填。填。
充。溢。乎。國。都。彌。漫。於。鄠。邑。者。也。若。乃。迴。輿。降。蹕。薦。禮。
帝。儀。揖。太。清。秩。羣。望。被。太。裘。服。山。冕。恭。蒼。璧。之。明。祀。
穆。靈。壇。之。禋。敬。黍。稷。非。馨。明。德。惟。馨。日。曜。彤。精。天。澄。
翠。色。百。僚。師。師。九。官。濟。濟。千。神。叶。福。萬。億。均。慶。六。典。
斯。備。三。禮。必。該。焚。柴。告。成。罔。不。欽。若。翠。烟。升。綠。同。河。
濱。之。瑞。雲。丹。燎。燭。天。若。帝。鄉。之。美。氣。雲。門。麗。舞。咸。池。
廣。樂。已。叶。九。韶。之。曲。復。諧。六。列。之。奏。金。匏。既。動。望。琬。
蟬。之。遊。龍。玉。磬。徐。鳴。觀。參。差。之。舞。鳳。桂。鞞。駕。肩。士。女。

填噎接袂爲幃連裾猶堵鼓腹擊轅行歌舞抃然後
紆玉輦而謝書生登靈臺而望雲物欽明美化跨萬
古於茲日廣運愉樂表千載於當今方當巡云云之
禮啓亭亭之業封天答睠禮地徵靈南山之壽無極
七百之基長固豈不懋哉豈不盛哉非薄微臣謬與
藩服馳心休禮秣馬之願無由徒罄褊辭清風之藻
多愧敢敷庸理獻頌十章其辭曰

元始道一渾德氛氲遙哉遂古賈矣初分磅礴地載
清明天文大人覩物生民樹君蛇驅龍準作樂垂衣

皇圖炤灼帝篆歲蕤廓寥中代合聖與誰於鑠我后
命世天飛玄默馭辯寂照秉真就雲握厯望日臨民
謙光履德義禮稱珍車書同軌天下歸仁期章孔備
盛化宏道酌衢敬賓欽賢愛老變正是珍燭車非寶
如海之深如日之杲肅恭明神逖聽前踵配天道尊
迎陽義重玄酒陶匏燔柴雲聳跨舞論韶籠堯稱拱
赫矣郊宮載惟靜謐肅肅禁園陰陰仙室六戎列野
八鸞照日架殿星羅重宮霧出蒲萄金橘靈壽木難
表禁開暑貞檜陵寒山池壯麗階閣彤丹葉垂疊雨

花落重巒康哉盛德美矣世豐三辰炳耀七政永隆
五方來泊四隩茲通懸繩度筭駕鹿追風旣隆懋化
復覩瑞滋金車出野玉露霑墀紫槩神草華平瑞芝
長愉汪濊永固雍熙照天漏洩遠肅邇睦惠靡齊民
恩彌比屋式光惇史踰斯郁郁皇哉康哉同斯景福

職貢圖序

梁蕭繹

竊聞職方氏掌天下之圖四夷八蠻七閩九貉其所
由來久矣漢氏以來南羌旅距西域憑陵創金城開
玉關絕夜郎討日逐覩犀甲則建朱崖聞蒲萄則通

大宛以德懷遠異乎是哉皇帝君臨天下之四十載
垂衣裳而賴兆民坐巖廊而彰萬國梯山航海交臂
屈膝占雲望日重譯至焉自塞以西萬八千里路之
峽者尺有六寸高山尋雲深谷絕景雪無冬夏與白
雲而共色水無早晚與素石而俱貞踰空桑而厯昆
吾度青邱而踰丹穴炎風弱水不革其心身熱頭痛
不改其節故以明珠翠羽之珍細而弗有龍文汗血
之驥卻而不乘尼邱乃聖猶有圖人之法晉帝君臨
實文樂賢之象甘泉寫閼氏之形後宮玩單于之圖

臣以不佞推轂上游夷歌成章胡人遙集欵關蹶角
沿泝荆門瞻其容貌訴其風俗如有來朝京輦不涉
漢南別加訪採以廣聞見名爲貢職圖云耳

高祖武皇帝謚議

梁蕭繹

臣聞翼善傳聖曰堯仁聖盛明曰舜受禪成功曰禹
除虐去殘曰湯謚者行之跡號者功之表雖賤不誅
貴卑不誅尊而彰乎名者盛德之嘉號也被於物者
治定之實錄也斯所以聲明煥乎鍾石昭晰備於絃
管者焉伏惟天縱欽明惟睿作聖功超三五聲踰七